

Agape - Mikanda ya Nzambe - God's Love Letter Scriptures

Yoane 15:9 Nalingaka bino ndenge Tata alingaka ngai. Botikala libela bato na ngai ya bolingo.

Ezaya 43:1,2 - Efeze 2:10 Pamba té tozali bikelamo ya Nzambe. Ye asalá biso na lisanga na Yezu Kristo, po tókokisa misala ya malamu oyo abongiselaká biso banda kala.

Jeremya 1:5 - Galatie 1:15 Nzokande Nzambe asi'aponá ngai liboso 'tè nábotama. Na bolamu na ye abengaki ngai,

Yoane 15:16 Bino bato boponaki ngai te, kasi ezali ngai nde moto naponaki bino. Napesi bino mosala: bókende, bóbota mbuma; pe nalingi yango éumela. Bongo Tata akobanda kopesa bino nyonso oyo bokozala kosenga na kombo na ngai.

3 Yoane 1:2 Ndeko ya bolingo, nasengi Nzambe 'tè ózalaka malamu penza pe nzoto makasi, ndenge bondimi na yo ezali makasi.

Ezaya 43:4 - 1 Pieze 2:9,10 Kasi bino bozali ekolo oyo Nzambe aponá, bozali lisanga ya banganga-Nzambe ya Mokonzi monene, bozali ekolo ya bosantu oyo Nzambe akómisá ya ye penza, po bósakolaka sango ya misala na ye ya minene. Ye moto abengi bino po bólóngwa na molili pe bómona moi na ye ya kokamwa. 10 Liboso bozalaki ekolo na ye té, kasi sik'oyo bokómi ekolo ya Nzambe. Liboso Nzambe azalaki koyokela bino mawa té, kasi sik'oyo ayokeli bino mawa.

Jeremya 31:3 - Efeze 1:4 Ya solo, liboso 'tè ásala Likolo na se, Nzambe aponaká biso lisanga na Kristo, tózala bato ya bosantu pe ya malonga na miso na ye, po na bolingo na ye.

2 Timoté 1:9 Ezali Nzambe moto abikasaki biso, pe aponaki biso tózala bato na ye. Asalaki boye po na misala na biso té, kasi bobele po ye moko, banda kala, akanaká bongo. Asi'apesá biso bolamu na ye na lisanga na Yezu Kristo, liboso 'tè ásala mokili.

Ozé 11:8

Yoane 3:16 "Ya solo, Nzambe alingi bato mingi penza; yango wana apesi Mwana na ye se moko, po 'tè moto nyonso oyo akondimela ngai ákufa té, kasi ázwa bomoi ya seko.

Ezaya 49:15,16; & Ezaya 41:13,14

Luka 12:32 Bino bato bozali lokola mwa-liboke ya bameme na ngai, bótika kobanga. Pamba té Tata na bino aponi bino po bótoma bato ya mboka na ye."

Matayo 28:20 Bólakisa bango bátosaka mitindo nyonso napesaki bino. Bóyeba 'tè nazali na bino mikolo nyonso tii na suka ya mokili."

Yoane 14:1 Yezu abakisi alobi: "Bozala mitema likolo té. Bón dima Nzambe, bón dima pe ngai.

BanZembo 23:1-6 Nazali lokola meme oyo Nkolo abokolaka; nazangaka eloko moko té. 2 Mobokoli na ngai apemisaka ngai, na kati ya matiti ya mobesu. Amemaka ngai epai ya mai ya kimia; 3 azongiselaka ngai makasi. Atambwisaka ngai na banzela ya malamu, po ye azali Nzambe na ngai. 4 Nkolo, yo ozali Mobokoli na ngai; obatelaka ngai na makama nyonso. Ata nazali kotambola na molili ya somo, nakoki kobanga eloko té. Pamba té olakisaka ngai nzela; otambolaka nzela moko ná ngai. 5 Otielaka ngai biloko ya kitoko na mesa, na miso ya banguna na ngai. Oyambaka ngai lokola moto ya lokumu; omelisaka ngai masanga ya kitoko. 6 Otondisaka ngai na bolamu na yo oyo esukaka té; bomoi na ngai mobimba, okofandisa ngai na Ndako na yo.

Filipi 4:7 Boboto oyo eutaka na Nzambe eleki mayele nyonso; yango nde moto ekobatela mitema pe makanisi na bino, na lisanga na Yezu Kristo.

Makambo 3:24 - BanZembo 4:8(9) Nalalaka na esengo, pongi eyeelaka ngai noki; pamba téyo moko, Nkolo, obatelaka ngai.

Yoane 14:27 "Natikeli bino boboto; ngai moko nakobanda kobatela bino po bozala na boboto. Boboto yango ekozala té lokola oyo makambo ya mokili ememelaka bato. Bozala mitema likolo té, pe bóbanga té.

BanZembo 33:18 Kasi Nkolo atalaka bato oyo batosaka ye;

Rome 5:2 Ezali ye moto ayeeli biso bolamu ya Nzambe oyo ebongisá biso. Yango wana tozali kobeta tolo, pamba té tozali kotia mitema 'tè Nzambe akopesa biso lokumu na ye ya libela.

Ezaya 55:12 - Luka 19:40 Yezu azongisi: "Nalobi na bino: ata soki bango bafandi nyee, mabanga ekoganga!"

Yoane 16:22 Bino pe ndenge moko; sik'oyo bozali na mawa, kasi nakoya kotala bino lisusu, pe mitema na bino ekotonda na esengo; ata moto moko té akokoka kolongola bino yango.

Luka 12:9 Kasi oyo akowangana ngai na miso ya bato, ngai Mwana ya Moto pe nakowangana ye na miso ya ba-anjelu ya Nzambe.

Matayo 10:30 Po na bino ezali se bongo. Ata suki na bino, Nzambe asi'atangá yango nyonso.

Ezaya 54:10 - Matayo 24:35 Likolo na se ekoleka; kasi maloba na ngai ekoleka ata moke té."

Matayo 11:28-30 "Bóya epai na ngai, bino nyonso oyo bozali komona pasi pe bolembi na mikumba; ngai moto nakosalisa bino po bókoka kopema. 29 Pamba té nazali moto ya motema malamu pe ya boboto. Bozala basali na ngai pe bóya kozwa mayele epai na ngai; bongo bokokoka kofanda na kimia. 30 Kosalela ngai ezali pasi té, pe mokumba na ngai ezali kilo té."

Salomon 2:10 & Ozé 2:14,19,20

2 Korente 11:2 Nazali koyoka zuwa po na bino, ndenge Nzambe ayokaka zuwa. Pamba té bozali lokola elenge mwasi oyo nalingi bábala ye na mobali se moko; mobali yango ezali nde Kristo. Nalakaki ye 'tè na miso na ye bokozala lokola elenge mwasi oyo ayebi nanu nzoto ya mobali té.

Exodus 13:4 - Ba-Ebré 13:8 Yezu Kristo azali se ndenge moko; Ielo, Iobi, pe seko.

Ozé 13:4 - Misala 4:12 Bato bakoki kobika bobele epai na ye. Ya solo, na mokili mobimba Nzambe atiá moto mosusu té oyo akoki kobikisa biso."

Yoane 15:14 Bino bozali baninga na ngai soki bozali kosala makambo oyo natindaka bino.

Yoane 14:6 Yezu alobi na bango: "Ngai nazali nzela; oyo alandi ngai akozwa makambo ya solo pe bomoi. Nzela mosusu ezali té oyo ekendé epai ya Tata.

Koyebisa Ba-Sekele 3:20 Ngai oyo natelemi liboso ya porte na bino pe nazali kobeta. Soki moto ayoki mongongo na ngai pe afungoli porte, nakokota na ndako na ye, bongo ngai ná ye tokolia esika moko.